

Visoki predstavnik se sastao sa Predsjednikom Srpskog građanskog vijeća

Visoki predstavnik, Wolfgang Petritsch, se juče u Sarajevu sastao sa Mirkom Pejanovićem, predsjednikom Srpskog građanskog vijeća (SGV). Tema njihovog razgovora je bila implementacija Odluke Ustavnog suda o konstitutivnosti bh. naroda, povratak, kao i nedavno izrečene prijetnje članovima SGV-a i njihovim porodicama.

Visoki predstavnik je upoznao profesora Pejanovića sa postignutim napretkom u pogledu iznalaženja dalekosežnih, sveobuhvatnih i kreativnih rješenja u procesu reforme entitetskih ustava. Predsjednik SGV-a je izrazio podršku nastojanjima Visokog predstavnika u pravcu iznalaženja takvih rješenja i dodao da ovaj proces na kraju mora ispuniti suštinu Odluke Ustavnog suda – pitanje koje je od iste važnosti za Srbe u Federaciji BiH kao i za Bošnjake i Hrvate u Republici Srpskoj.

I Visoki predstavnik i profesor Pejanović su se složili da je taj proces od vitalnog značaja za uspješnost povratka, koji stvarnim i potencijalnim povratnicima daje sigurnost kroz institucionalne garancije potpune zastupljenosti i zaštite. Profesor Pejanović je istaknuo da je veliki dio dosadašnjeg uspjeha na polju povratka postignut zahvaljujući nastojanjima Visokog predstavnika.

Visoki predstavnik je u ime cijele međunarodne zajednice profesoru Pejanoviću i SGV-u izrazio punu podršku i solidarnost nakon prijetnji koje su nedavno upućene građanima Federacije srpske nacionalnosti. Visoki predstavnik je od nadležnih organa tražio da provedu kompletnu istragu, navodeći da “za ovakvu vrstu ekstremizma nema mjesta u demokratskom,

multietničkom društvu u kojem se poštuje vladavina prava.”